



**Broj: T18 0 KT 0017006 23**  
**Brčko, 21.06.2024. godine**

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, podižem:

## OPTUŽNICU

### Protiv:

1. H. M. i
2. H. E,

### Što su:

Dana 19.05.2023. godine, oko 20,30 časova, u mjestu Gornji Rahić, Brčko distrikt BiH, H. M., koji se nalazio u radnoj mašini „Schaeff“ i pokušavao da izvrši rušenje pomoćnog objekta vlasništvo H. N., nakon što su mu prišli policijski službenici H. M. i M. S. i više puta izdali jasno naređenje da prestane sa opasnom radnjom i zaustavi radnu mašinu, svjestan da napadanje službenih lica i nanošenje tjelesnih povreda nije dozvoljeno, što je i htio, gurnuo policijskog službenika H. M, usljed čega je isti pao sa radne mašine na kolovoz gdje je ostao ležati, kojom prilikom je H. M. zadobio laku tjelesnu povredu u vidu udarca u glavu (potiljak) i leđa, udarca u grudni koš sa prednje strane, te udarca u lijevu šaku i nekoliko oguljotina kože, pa kada je policijski službenik M. S. izvukao M. iz radne mašine i istom stavljao sredstva za vezivanje, odnosno policijske lisice, prema njemu krenuo H.E. držeći manji lovački nož u ruci, svjestan da ga takvom radnjom može lako tjelesno povrijediti, što je i htio, pa kada mu je prišao H. S. i pokušavao ga spriječiti u tome, E. je nožem porezao S. po ruci, kojom prilikom je H. S. zadobio laku tjelesnu povredu u vidu posjekotine desne šake i četvrtog prsta desne šake i ugrizne rane lijeve nadlaktice,

dakle, H. M. napao službeno lice u obavljanju poslova javne bezbjednosti i lako tjelesno ga povrijedio, a H. E. drugog lako tjelesno povrijedio,

čime je H. M. učinio krivično djelo – Napad na službeno lice u obavljanju poslova javne bezbjednosti – iz člana 353 stav (2) u vezi sa stavom (1) Krivičnog zakona Brčko distrikta BiH, a H. E. krivično djelo – Laka tjelesna povreda – iz člana 170 stav (1) Krivičnog zakona Brčko distrikta BiH.

[...]

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.